



EMBARGO: Tidak boleh dicetak atau disiarkan di mana-mana platform media sosial sebelum jam 10.00 pagi, 26 Disember 2025

Untuk Terbitan Media
26 Disember 2025

SIARAN MEDIA

LEBIH 620 RIBU PENEMPATAN PEKERJAAN MYFUTUREJOBS DIREKODKAN SEJAK 2023, BUKTI KETAHANAN EKONOMI NEGARA DIBAWAH KERAJAAN MADANI

KUALA LUMPUR : Sebanyak **622,283** penempatan pekerjaan berjaya direkodkan sejak tahun 2023 hingga 19 Disember lalu dibawah inisiatif **MYFutureJobs**, sekali gus mencerminkan keberkesanan dasar pasaran buruh aktif negara serta ketahanan ekonomi Malaysia dalam mendepani ketidaktentuan global.

Menteri Sumber Manusia, Dato 'Sri Ramanan Ramakrishnan, berkata pencapaian tersebut selari dengan penilaian positif Tabung Kewangan Antarabangsa (IMF) terhadap prestasi serta daya tahan ekonomi Malaysia.

Menurut beliau, pengiktirafan itu turut mencerminkan **kekuatan asas domestik negara dan dasar fiskal serta ekonomi yang berhemah** yang dilaksanakan oleh Kerajaan MADANI di bawah pimpinan Perdana Menteri, YAB Dato 'Seri Anwar Ibrahim.

“Pengiktirafan IMF membuktikan keupayaan Malaysia untuk kekal berdaya tahan walaupun berdepan cabaran perdagangan global dan ketidaktentuan dasar antarabangsa, termasuk kesan tarif tinggi yang dikenakan oleh Amerika Syarikat.

“Perkembangan positif ini didorong oleh permintaan domestik yang kukuh, pelaburan berterusan serta pertumbuhan guna tenaga yang sihat,” katanya dalam satu kenyataan hari ini.

Dari perspektif Kementerian Sumber Manusia (KESUMA), beliau menegaskan bahawa ketahanan ekonomi perlu diterjemahkan kepada hasil yang bermakna kepada rakyat, khususnya melalui **penyediaan peluang pekerjaan berkualiti, gaji yang adil dan**

pengukuhan tenaga kerja nasional.

“Pertumbuhan ekonomi mesti seiring dengan penciptaan pekerjaan berkualiti. Fokus kami adalah memastikan pertumbuhan yang inklusif serta melengkapkan rakyat Malaysia dengan kemahiran relevan bagi menghadapi pasaran buruh yang semakin dinamik,” jelasnya.

Sehubungan itu, Ramanan berkata KESUMA menerusi Pertubuhan Keselamatan Sosial (PERKESO) akan terus memperkukuh inisiatif **MYFutureJobs**, portal pekerjaan nasional yang berperanan sebagai platform utama kerajaan bagi padanan kerjaya, pemudah cara tenaga kerja dan penyelarasan pasaran buruh.

Beliau menambah, KESUMA akan terus mempertingkatkan keupayaan MYFutureJobs dengan memanfaatkan teknologi digital, memperkukuh kerjasama strategik bersama majikan serta menghasilkan pemprofilan pekerja yang lebih menyeluruh dan bersepadu.

Selain itu, KESUMA turut memperkukuh pasaran buruh negara melalui inisiatif strategik dan bersepadu bersama PERKESO, HRD Corp, Jabatan Tenaga Manusia dan TalentCorp.

Pendekatan ini merangkumi pepadanan kerja aktif, pembangunan kemahiran, perlindungan keselamatan sosial, pelaksanaan Dasar Gaji Progresif serta penawaran gaji yang lebih kompetitif, bagi memastikan pertumbuhan ekonomi negara diterjemahkan secara langsung kepada peluang pekerjaan berkualiti, pendapatan mampan dan tenaga kerja yang berdaya saing.

Media sebelum ini melaporkan IMF menyifatkan Malaysia kekal berdaya tahan meskipun berdepan ketegangan perdagangan global dan ketidaktentuan dasar, disokong penggunaan serta pelaburan domestik yang kukuh, pertumbuhan pekerjaan dan pemulihan sektor teknologi.

Institusi kewangan antarabangsa itu turut menegaskan prestasi positif tersebut didorong pelaksanaan dasar ekonomi yang mantap serta pendekatan makroekonomi dan kewangan yang berhemat.

##TAMAT##

Mengenai LINDUNG

LINDUNG ialah penjenamaan semula skim perlindungan keselamatan sosial PERKESO yang dilancarkan pada 22 Ogos 2025 sebagai langkah strategik memperkuat peranan dalam melindungi rakyat. Pendekatan ini lebih segar, inklusif, mudah diingati dan berimpak tinggi bagi menyampaikan mesej perlindungan sosial secara meluas dan berkesan. Ia bertujuan memperluas capaian, meningkatkan kesedaran serta memperkuat kepercayaan rakyat terhadap PERKESO sebagai pelindung utama keselamatan sosial. Di bawah penjenamaan ini, Akta 4 dikenali sebagai **LINDUNG PEKERJA**, Akta 800 sebagai **LINDUNG KERJAYA**, Akta 789 (SKSPS) sebagai **LINDUNG KENDIRI**, dan Akta 838 (SKSSR) sebagai **LINDUNG KASIH**. Maklumat lanjut di www.perkeso.gov.my.

Dikeluarkan oleh:

**Bahagian Komunikasi dan Hal Ehwal Korporat
26 Disember 2025**

Untuk pertanyaan media, sila hubungi

Iklil Fatihah Kamal Redzuan

+6019-3273193

fatihah.redzuan@perkeso.gov.my

Ridauddin Daud

+6019-3265772

ridauddin.daud@perkeso.gov.my